



## **TOSHKENT DAVLAT YURIDIK UNIVERSITETI REKTORINING B U Y R U G‘ I**

---

20.11.2024

827-tm-son

### **Talabaga hayfsan e‘lon qilish to‘g‘risida**

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta‘lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi PF-5987-son Farmonining 2-bandida zamonaviy talablar, ilg‘or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta‘minlash yuridik ta‘lim va fanni yanada rivojlantirishning ustuvor yo‘nalishlaridan biri etib belgilangan. Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi talablarini buzish holatlari kuzatilmoqda.

Jumladan, Xususiy huquq fakultetining 3-kurs rus potok talabalari Sodikov Muhammad Amin Sardorbekovich, Samaritdinov Bexruz Normamat o‘g‘li, Muxammadov Bunyodjon Begzodjon-o‘g‘li, Farxodova Dinora Jasur qizi, Negmatov Firdavs Otabek o‘g‘li universitet Odob-axloq kodeksi qoidalarini bilan tanishtirilgan bo‘lishiga qaramasdan 2024-yil 12-noyabr sanasida Iste‘molchi huquqlarini himoya qilish modulining ma‘ruza mashg‘ulotlari vaqtida ma‘ruzachi E.Musayevning dars o‘tishiga xalqit bergan holatda gaplashib-kulib, shovqin qilib, dars mashg‘ulotining sifatiga yomon ta‘sir qilishgan. Shuningdek, ma‘ruzachi va boshqa talabalarga ham hurmatsizlik bilan munosabatda bo‘lishgan. Ma‘ruzachi E.Musayevning bir necha bor ichki tartibni saqlashni talab qilishiga qaramasdan, mazkur talabalar ochiqchasiga dars mashg‘ulotlariga e‘tibor qaratmay, o‘zlarining

g'ayriqonuniy fe'l-atvorini ochiqchasiga namoyon qilib, salbiy xatti-harakatlarini yanada kuchaytirishgan.

Ma'ruzachi E.Musayev 2024-yil 12-noyabr kuni Xususiy huquq fakulteti dekani B.Musayev nomiga bo'lib o'tgan voqea yuzasidan bildirgi kiritib, Xususiy huquq fakultetining 3-kurs rus potok talabalari Sodikov Muhammad Amin Sardorbekovich, Samaritdinov Bexruz Normamat o'g'li, Muxammadov Bunyodjon Begzodjon-o'g'li, Farxodova Dinora Jasur qizi, Negmatov Firdavs Otabek o'g'liga chora ko'rishni so'ragan.

Yuqorida keltirib o'tilgan holat bilan talabalar universitet Odob-axloq kodeksining 18-moddasi ikkinchi xatboshisi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iy man etiladi), 26-moddasi ikkinchi qismi ikkinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilishga), 27-moddasi sakkizinchi (o'quv jarayonida pedagog xodimning ko'rsatmalariga qat'iy rioya qilish) va to'qqizinchi xatboshisi (dars vaqtida gaplashmaslik hamda dars mashg'ulotiga taalluqli bo'lmagan ishlar bilan shug'ullanmaslik) talabalarini buzishgan.

Yuqoridagilarni inobatga olib, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18, 26, 27-moddalariga asosan

### **BUYURAMAN:**

1. Universitetning Xususiy huquq fakulteti 3-kurs rus potok talabalari Sodikov Muhammad Amin Sardorbekovich, Samaritdinov Bexruz Normamat o'g'li, Muxammadov Bunyodjon Begzodjon-o'g'li, Farxodova Dinora Jasur qizi, Negmatov Firdavs Otabek o'g'liga universitet Odob-axloq kodeksining yuqorida ko'rsatib o'tilgan moddalarini buzganligi sababli hayfsan intizomiy jazosi qo'llanilsin.

2. Fakulteti dekani (B.Musayev):

ushbu buyruq bilan fakultet talabalarini tanishtirsin;

hayfsan e'lon qilingan talabalarning shaxsiy yig'ma jildiga buyruq nusxasi tikilishini ta'minlasin;

ikki marotaba hayfsan berilgandan keyin talaba tomonidan yana o'quv

intizomini va TDYU tomonidan o'rnatilgan ichki tartib-qoidalari buzilganda talabalarni talabalar safidan chetlashtirish mumkinligi to'g'risida ogohlantirsin;

fakultet talabalari o'rtasida ushbu buyruqning mazmun mohiyati, ichki tartib qoidalarni buzish oqibatlari haqida tushuntirish ishlari o'tkazilishini ta'minlasin.

3. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

